

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqtut imaattoq saqqummiuppara:

**Naalakkersuisunut apeqqtut:**

- 1. Suna aamma suut pissutaapput inuit ilaqtariillu inigisaminniit anisitaanissaminnut ulorianartorsiortut taama amerleriapiloorsimatiginerannut ?**
- 2. Anisitaanissamik piumasagaatit 907-it politiinut nassiunneqarsimasuniit inoqutigiit inuillu ataatsimut katillugit qassit pineqarpat aamma taakkunanga meeqqat inuusuttuaqqallu 18-it inorlugit ukiullit qassiuppat ?**
- 3. Meeqqat inuusuttuaqqallu angerlarsimaffiup avataanut inissinneqarsimasut ilaqarnerlutik angajoqqaanik inigisaminniit anisitaasimasunik ?**
- 4. A/S inissiatileqatigiiffik INI-miit siunnersorti atorlugu isumaqatigiissusiortarneq ineqartunut immikkut isumaqatigiissusiornermut atatillugu akiliuteqartitsisoqartarpaa ?**

(Inatsisartunut ilaasorta, Anthon Frederiksen, Partii Naleraq)

**Tungavilersuut:**

Januar 2015-imi § 37-ikut Naalakkersuisunut apeqquteqarninni ilaatigut taamanikkut paasitinneqarpunga inuit ilaqtariillu 194-it piffissami 2006-2014-imut anisitaasimasut aammalu inuit ilaqtariillu 398-it A/S INI-miit anisitaasussatut nalunaarsorneqarsimasut.

Massakkut apeqquteqaqqinninni paasitinneqarpunga 1.1.2015-imiit 31.08.2015-imut anisitsinissamik piumasagaatit 907-it politiinut nassiunneqarsimasut..

Taamaammat Partii Naleqqamiit assut pingaartillugu paaserusupparput, taakkunani inissiani 907-ini ilaqtariinni meeqqat 18-it inorlugit ukiullit qanoq amerlatigisut tassani pineqarnerisut

? – tassami Naalackersuisunut apeqquteqarnerma ilaanni meeqqat inuusuttuaqqallu angerlarsimaffiup avataanut inissinneqarsimasut september 2014 tikillugu meeqqat inuusuttuaqqallu katillugit 642-ut angerlarsimaffiup avataanut inissinneqarsimasut. Taamaammat Partii Naleqqamiit aamma assut paaserusupparput, ilaqutariit inigisaminniit anisitaasimasut akornanni, meeqqat inuusuttuaqqallu angerlarsimaffiup avataanut inissinneqarsimasunik ilaqarnersut ?

Apeqqutit kingullerpaat akissuteqarfigineqarneranni apeqqut nr. 5-ip akissuteqarfigineqarneranut atatillugu atuisunut siunnersorti (personlig kundevejleder) qaammatini 24-it tikillugit akilersuinissamut isumaqatigiissusiornissaq siunertaralugu iliuseqartoqartartoq.

Taamaammat aamma paaserusupparput, taamatut atuisunut siunnersortimik isumaqatigiissusiorneq atuisunut immikkut aningaasartuutaasarnersoq ? immikkut aningaasartuuteqartoqartarsimassapput, tamanna qanoq inunnut ilaqutariinnulluunniit akiliinissamut kinguaattoorsimasunut aningaasanngorlugu naleqarpa ?

Ullut suliffiit qulit qaangiutinnginnerani akineqarnissara kissaatingaara.